

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -11-4-5145-8/22

Datum: 26.08.2022.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14), i preporuke Komisije za javnu nabavku tonera, ketridža i ribona za potrebe Uprave policije, imenovane Rješenjem broj: 02/5-1-30-1-5173 od 19.07.2022. godine, u postupku javne nabavke tonera, ketridža i ribona, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

**I**

Prihvata se preporuka Komisije za javnu nabavku tonera, ketridža i ribona za potrebe Uprave policije i okvirni sporazum za javnu nabavku tonera, ketridža i ribona za potrebe Uprave policije Ministarstva unutrašnjih poslova Kantona Sarajevo dodjeljuje ponuđaču:

- Defter d.o.o. Sarajevo za ponuđenu cijenu od 241.814,05 KM bez PDV-a.

**II**

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseci. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

**III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Defter d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

**IV**

Izabrani ponuđač Defter d.o.o. Sarajevo dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnose na član 45. stav (2) tačka od a) do d).

Izabrani ponuđač Defter d.o.o. Sarajevo je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav (1) tačka a), čime se oslobađa obaveze naknadnog dostavljanja istih.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

**V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## Obrazloženje

Na osnovu Odluke broj: 02-11-4-5145/22 od 18.07.2022. godine i Obavještenja o nabavci broj: 16475-1-1-35-3-67/22 od 21.07.2022. godine, proveden je otvoreni postupak javne nabavke tonera, ketridža i ribona za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-5145/22 od 10.08.2022. godine, za aktivno učešće u postupku dostavljene su ponude ponuđača Printex d.o.o. Sarajevo, Defter d.o.o. Sarajevo i Crobox d.o.o. Sarajevo.

Komisija za javnu nabavku tonera, ketridža i ribona za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-5145-7/22 od 25.08.2022. godine, kojim je utvrdila sljedeće:

- da pristigla ponuda ponuđača Printex d.o.o. Sarajevo nije prihvatljiva iz razloga što ponuda nije u skladu sa članom 57. stav (1) Zakona o javnim nabavkama („Službeni glasnik BiH”, br. 39/14), članom 8. stav (8) Uputstva za pripremu modela tenderske dokumentacije i ponuda („Službeni glasnik BiH”, broj: 90/14 i 20/15), tačkom 15. tenderske dokumentacije.

U ponudi ponuđača Printex d.o.o. Sarajevo nije dostavljena kopija ponude, kako je to traženo tačkom 15. tenderske dokumentacije, gdje je navedeno. “Ponuda se dostavlja u originalu i jednoj kopiji, na kojima će čitko pisati “ORIGINAL PONUDE” i “KOPIJA PONUDA”. Kopija ponude sadrži sva dokumenta koja sadrži original (...)”.

U skladu sa naprijed navedenim, daljnja evaluacija ponude ponuđača Printex d.o.o. Sarajevo nije vršena, te je ponuda neprihvatljiva i ista se u skladu sa članom 68. stav (4) tačka i) Zakona o javnim nabavkama odbacuje.

- da pristigla ponuda ponuđača Crobox d.o.o. Sarajevo d.o.o. Sarajevo nije prihvatljiva iz razloga što ponuđač nije dostavio kompletan Obrazac za ponudu - Aneks II. Naime ponuđač Crobox d.o.o. Sarajevo je dostavio samo prvu stranicu navedenog obrasca, a nije dostavio dio sa Izjavom ponuđača, potpisom i pečatom ponuđača na Obrascu za ponudu.

U ponudi ponuđača Crobox d.o.o. Sarajevo nije dostavljena kompletna tehnička/kataloška dokumentaciju za sve ponuđene tonere/ketridže/ribone iz Obrasca za cijenu ponude, kako je traženo tačkom 13.3. pod d) tenderske dokumentacije, već je ista dostavljena samo za ponuđene jednakovrijedne ekvivalentne artikle.

U skladu sa naprijed navedenim, ponuda ponuđača Crobox d.o.o. Sarajevo nije prihvatljiva, te se u skladu sa članom 68. stav (4) tačka i) Zakona o javnim nabavkama odbacuje.

Komisija je utvrdila da ponuda ponuđača Defter d.o.o. Sarajevo sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjava sve zahtjeve Ugovornog organa.

U postupku je podnesena samo jedna prihvatljiva ponuda:

- Defter d.o.o. Sarajevo sa ukupnom cijenom ponude u iznosu od 241.814,05 KM bez PDV-a te postupajući u skladu sa članom 3., stav (3) Pravilnika o uslovima i načinu korištenja e-aukcije („Službeni glasnik BiH”, broj 66/16) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH”, broj: 39/14), Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).



**Dostaviti:**

1. Komisiji za sukcesivne nabavke
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a